



## Árskógar Skóli leik- og grunnskóli

GLEÐI - VIRÐING - ÞRAUTSEIGJA

---

# Velkomin á Kötlu kótt í Árskógar Skóla

Helstu upplýsingar sem foreldrar þurfa að vita við upphaf leikskólagöngu





# ÁrskógarSKÓLI leik- og grunnskóli

GLEÐI - VIRÐING - ÞRAUTSEIGJA

---

## Kæru foreldrar

Starfsfólk býður ykkur og börnin ykkar velkomin til okkar í ÁrskógarSKÓLA og vonandi bíður okkar góð og jákvæð samvinna. Leikskóladeildin heitir Kötlukot en þar tökum við á móti börnum frá því að fæðingarorlofi líkur og þar til þau ljúka leikskólagöngu sinni. Einnig bjóðum við uppá skólavistun fyrir börn í 1.-4. bekk. Í þessu hefti er að finna ýmsar upplýsingar sem gott er að vita en þetta er ekki tæmandi listi og við erum alltaf tilbúin að svara spurningum ykkar. Við hlökkum til að kynnast ykkur og börnunum ykkar og eiga skemmtilegt og uppbyggandi samstarf.

## Starfsfólk Kötlukots

Deildarstjóri: Helga Lind Sigmundsdóttir [helga.lind@dalvikurbyggd.is](mailto:helga.lind@dalvikurbyggd.is)

Leikskólakennari: Gitta Unn Ármansdóttir [gitta@dalvikurbyggd.is](mailto:gitta@dalvikurbyggd.is)

Leiðbeinandi: Regina Gentner [regina.gentner@dalvikurbyggd.is](mailto:regina.gentner@dalvikurbyggd.is)

Ásamt okkur vinnur fullt af góðu og fær乎 starfsfólkvið skólann sem kemur á einn eða annan hátt að vinnu með börnunum ykkar. Skólinn vinnur þvert á skólastig og smá saman kynnast börnin öllum börnum skólans og öllu starfsfólkvi.

Beinn sími á Kötlukot er 460-4973

Aðalnúmer ÁrskógarSKÓLA er 460-4970/460-4971

Heimasíða skólans er <http://www.dalvikurbyggd.is/arskogarskoli/>



# ÁrskógarSKÓLI leik- og grunnskóli

GLEÐI - VIRÐING - ÞRAUTSEIGJA

---

## Umsóknir/upsagnir

Til að sækja um leikskóladvöl er hægt að fara inn á heimasíðu Dalvíkurbyggðar (<http://www.dalvikurbyggd.is/Stofnanir-og-thjonusta/Eydublod-A-O/>) eða koma til okkar í ÁrskógarSKÓLA og fylla út eyðublað. Hægt er að lesa sig frekar til um skráningar og innritunarreglur skólans inn á heimasíðunni okkar undir KötluKot. Við hvetjum ykkur til að renna yfir þessa litlu lesningu þar sem einnig má sjá hverjir eiga rétt á afslætti og fleiri gagnlegar upplýsingar.

(<http://www.dalvikurbyggd.is/resources/Files/Innritunarreglur-leikskola-Dalvikurbyggdar.pdf>)

Uppsagnarfrestur er einn mánuður og skal uppsögn miðast við 1. eða 15. hvers mánaðar. Sé þetta ekki gert þarf að greiða fyrir mánuðinn. Einu börnin sem eru undanskilin þessu eru þau börn sem hafa verið á KötluKoti og byrja á grunnskólastigi í ÁrskógarSKÓLA um haustið. Þau þurfa ekki að segja upp ef þau hætta þegar sumarlokun hefst.

## Leikskólagjöld

Foreldrar fá sendan reikning með gjalddaga 5. hvers mánaðar og eindaga 20. hvers mánaðar. Leikskólagjöldin eru fyrirframgreidd. Hægt er að lesa sér meira til um þetta í skráningar og innritunarreglum.

## Opnunartími

Skólinn er opinn frá 07:45-16:00

Vistunartími barna er sveigjanlegur frá 4 tímum upp í 8,25 tíma vistun 5 daga vikunnar. Í upphafi dvalar skrifa foreldrar/forráðarmenn undir dvalarsamning þar sem tilgreindur er sá tími sem foreldrar vilja kaupa og ber að virða hann. Ef foreldrar virða ítrekað ekki umsaminn vistunartíma hefur fræðsluskrifstofa, að undangenginni aðvörðun, heimild til að segja viðkomandi upp leikskólaplássi.



# ÁrskógarSKÓLI leik- og grunnskóli

GLEÐI - VIRÐING - ÞRAUTSEIGJA

## Veikindi

Ef börn skólans veikjast, taka sér frí eða verða heima af öðrum orsökum vinsamlegast látið okkur vita. Skólinn er ætlaður frískum börnum og skal barnið dvelja heima ef það er ekki nógum frískt til að taka þátt í daglegu starfi skólans. Fái barnið smitsjúkdóma skal það dvelja heima þar til smithætta er liðin hjá. Mikilvægt er að þegar barnið mætir aftur eftir veikindi að það sé orðið nægilega frískt til að taka þátt í öllu starfi skólans svo sem útiveru.

Æskilegt er að forráðarmenn hagi lyfjagjöf barna sinni þannig að skólinn þurfi ekki að bera ábyrgð á henni. Ef ekki er hjá því komist er það rætt sérstaklega við stjórnendur skólans.

## Lokanir

ÁrskógarSKÓLI er lokaður alla almenna frídaga, helgidaga þjóðkirkjunnar og 5 vikur yfir sumartímann. Skólanum er einnig lokað vegna námskeiðs- og skipulagsdaga. Kötulkot hefur einnig fylgt grunnskólastigi og haft lokað í vetrarfríum og milli jóla og nýárs en vegna þessa fá foreldrar 3% afslátt af leikskólagjöldum. Allar þessar lokanir má sjá á skoladagatali skólans á heimasíðunni okkar

(<http://www.dalvikurbyggd.is/Arskogarskoli/Skoladagatal/>)

Ef skóla er aflýst vegna veðurs er sent út sms og settar upplýsingar á facebook og heimasíðu.

## Pátttökuaðlögun

Pátttökuaðlögun byggir á því að í skólanum eru börn og starfsfólk að byggja upp þekkingu saman, skólinn er ekki staðengill foreldra. Barnið er að læra að vera í nýjum aðstæðum, kynnast nýju fólkum með foreldri sínu. Þegar barn hefur öðlast öryggi og þekkir aðstæður fær það að spreyta sig á sínum forsendum. Pátttökuaðlögun byggir á fullri pátttöku aðlögunaraðila þá daga sem aðlögun stendur yfir.



# ÁrskógarSKÓLI leik- og grunnskóli

GLEÐI - VIRÐING - ÞRAUTSEIGJA

---

- Aðlögun tekur um 3 daga
- Mikilvægt er að sá einstaklingur sem kemur með barninu í aðlögun sé einhver sem er hákominn barninu og barnið ber fullt traust til.
- Aðlögunaraðilinn er með barninu sínu vistunartíma barnsins allan tímann.
- Aðlögunaraðilinn sér alfarið um barnið sitt þessa daga í hópastarfi, útiveru, matmálstíma, hvíld, ofl, kennrarar eru áhorfendur.
- Aðlögunaraðili tekur þátt í öllu starfi skólans. Með þessu kynnist hann skólanum betur, börnunum og kennurum. Aðlögunaraðilinn fær einnig meiri innsýn í hvernig dagurinn gengur fyrir sig í skólanum.
- Aðlögunaraðila er boðið að borða í skólanum þeim að kostnaðarlausu meðan aðlögun stendur yfir.
- Fyrsta dag eftir aðlögun mælumst við til að barnið sé sótt í fyrra fallinu og mikilvægt er að geta alltaf náð í aðlögunaraðilann í síma.
- Aðlögunartímabilið er tilvalið til að fá upplýsingar og veita upplýsingar.

Ef aðstæður barna skólans breytast s.s. heimilisfang, símanúmer, hjúskaparstaða og atvinna vinsamlegast látið okkur vita.

## Foreldrasamvinna

Forsenda þess að barninu líði vel er að góð samvinna náist strax í byrjun milli forráðamanna barnsins og kennara og gagnkvæmur trúnaður ríki. Daglegar upplýsingar um barnið heima og í skólanum eru nauðsynlegar því að oft geta lítil atvik í lífi barnsins valdið breytingum á hegðun þess.

ÁrskógarSKÓLI er opinn öllum og eru allir velkomnir að heimsækja skólann til að fylgjast með starfinu og taka þátt í leik og starfi.

Við hvetjum foreldra til að hringja í skólann til þess að spyrja um barnið ef þeir telja sig þurfa þess og eins munu kennrarar hringja ef þörf krefur.

Mikilvægt er að málefni sem ekki er æskilegt að börn heyri fari fram bakvið luktar dyr.



# Árskógarskóli leik- og grunnskóli

GLEÐI - VIRÐING - ÞRAUTSEIGJA

---

## Viðtöl

Þegar barn byrjar í Árskógarskóla hefst dvölin á byrjunarviðtali við foreldra, þeim er sýndur skólinn og fá helstu upplýsingar.

Fastir viðtalsdagar eru 2 á ári. Öllum foreldrum er boðið í viðtal í október. Í þessu viðtali er farið yfir áhersluatriði kennarans fyrir barnið og foreldrar koma með sínar óskir og væntingar fyrir veturinn. Seinna viðtalið er í maí en þá er farið yfir stöðu barnsins og hvernig veturinn gekk.

Ef forráðamenn óska eftir auka viðtali er það að sjálfsögðu veitt og einnig geta kennarar kallað til viðtals utan hefðbundinna viðtalsdaga.

## Upplýsingarflæði

- Heimasíða skólans er nýtt til að setja inn helstu viðburði og upplýsingar
- Skóladagatal með helstu viðburðum, lokunum og fleira er gefið út fyrir hvert ár. Það er að finna á heimasíðu skólans.
- Rafrænt fréttabréf og viðburðardagatal er gefið út fyrir hvern mánuð og birt á heimasíðu skólans.
- Karelleñ er notað til að halda utanum upplýsingar barnsins og senda skilaboð, sms ofl.
- Kötlukot er með læsta facebook síðu sem eingöngu foreldrar og kennarar skólans geta fylgst með og þar eru settar inn helstu upplýsingar úr starfi leikskólans.

## Trúnaður

Allt starfsfólk skólans er bundið þagnarskyldu og helst hún þótt viðkomandi láti af störfum. Ætlast er til að foreldrar/forráðamenn haldi einnig trúnaði yfir því sem þeir kunna að sjá og heyra.



## Fatnaður

Í skólanum fer fram fjölbreytt starf úti sem inni og því nauðsynlegt að huga að viðeigandi klæðnaði barnsins. Börnin vinna auk þess með ýmsan efnivið s.s. málningu, leir, lím ofl og því þurfa „vinnuföt“ barnsins að þola eitt og annað. Klæðnaður þarf að vera í samræmi við veðurfar.

Upp á baðherberginu okkar eru körfur fyrir öll börnин þar sem þau geta geymt auka inniföt og enginn þarf að vera blautur eða kaldur. Starfsfólk reynir eftir bestu getu að láta vita ef það vantar föt í körfurnar en foreldrum er alltaf velkomíð að kíkja inn á bað og yfirfara körfu barnsins síns. Blaut inniföt eru send heim í taupokum sem skila verður aftur hreinum í skólann.

Dæmi um það sem er gott að hafa í körfunni upp á baði fyrir barn sem er allan daginn í leikskólanum er:

- 2 sett af nærfötum
- 2 pör af sokkum
- 1 bolur
- 2 buxur
- 2 peysur

Í forstofunni okkar hefur hvert barn sitt hólf. Ætlast er til að útiföt séu geymd í tösku á snaga og auka skófatnaður hangi í sér poka á snaga. Í körfu viljum við að hlý innanundirföt og smærri hlutir svo sem sokkar, vettlingar, húfur ofl séu geymd. Gæta þarf þess að passlegt magn sé af aukafötum, bæði inni- og útifatnaði og fatnaður hæfi árstíma. Fatnað barnanna þarf ekki að taka heim í lok dags en mikilvægt er að forráðarmenn yfirfari hólfíð setji föt í körfur eða töskur eftir því sem við á og taki með sér öll blaut föt. Börn sem sofa úti í vögnum hafa auka körfu fyrir föt sem þau nota í vagninn.



# ÁrskógarSKÓLI leik- og grunnskóli

GLEÐI - VIRÐING - ÞRAUTSEIGJA

---

Dæmi um útifatnað sem gott er að hafa meðferðis fyrir barn á leikskólaaldri sem er allan daginn:

- Hlífðarföt (sumar)
- Pollaföt
- Snjógalli (vetur)
- Ullarpeysa/flíspeysa
- Ullarbuxur/flísbuxur
- 3 vettlingarpör
- 2 pör af ullarsokkum
- 2 húfur (buff á sumrin)
- Kragi (vetur)
- Fatnað í vagninn fyrir þau sem sofa úti.

Mikilvægt að hafa sem flest merkt svo það skili sér frekar heim ef það fer á flakk.

## Krem, varnir, bleyjur

ÁrskógarSKÓLI útvegar ekki bleyjur, krem, blautklúta eða annað slíkt. Foreldrar þurfa að koma með slíkt að heiman en við reynum að minna á í tíma þegar slíkt fer að vanta. Bleyjur, blautklútar og krem á bleyjusvæði eru geymd uppi á baðherbergi. Sólarvarnir og kuldakrem eru geymd í körfu barnsins í forstofunni.

## Matmálstímar

Hægt er að kaupa þrjár máltíðir yfir daginn.

Morgunmatur hefst kl:7:45 og boðið er uppá hafragraut, cheerios, kornfleks og mjólk. Þau börn sem eiga að borða morgunmat þurfa að vera komin fyrir 8:20. Í kringum 9:30 er öllum börnum boðið uppá ávexti.

Heitur matur er kl:11:30 og hægt er að sjá matseðil inn á heimasíðu skólans.

Síðdegishressing er um kl:14:30 og þá er boðið uppá brauð og álegg.



# ÁrskógarSKÓLI leik- og grunnskóli

GLEÐI - VIRÐING - ÞRAUTSEIGJA

---

Ef barn má af einhverjum orsökum ekki borða ákveðna fæðu vegna ópols/ofnæmis verða foreldrar að útvega læknisvottorð upp á það. Foreldrar þurfa að skila inn endurnýjuðu læknisvottorði á hverju hausti.

## ***Stundatafla/dagskipulag***

Hægt er að sjá dagskipulag skólans inn á heimasíðu hans undir Kötlukot. Þetta er gróft skipulag sem við fléttum marga þætti inní. Skipulagið er byggt upp á þremur megin þáttum

1. Leik barnanna
2. Skipulögðu hópastarfi
3. Útivist og hreyfingu

## ***Óhöpp/slys***

Í barnahópi geta alltaf orðið óhöpp eða slys. Ef slíkt kemur fyrir er haft samband við forráðamenn og heilsugæslu. Inn á heimasíðu skólans er hægt að lesa ýmsar áætlarnir sem tengjast þessu t.d. áfallaáætlun, skýr mörk ófrávíjanlegar reglur ofl.

<https://www.dalvikurbyggd.is/arskogarskoli/skolinn/aaetlanir>

## ***Hagnýtar upplýsingar***

- Afmæli barnanna. Þegar barn á afmæli býr það sér til kórónu, býður börnunum upp á ávexti og fær að setjast í afmælis hásæti. Barnið fær síðan að setja „kerti“ á „afmælistertu“ sem hengd er upp á töflu hjá Kötlukoti.
- Ekki er leyfilegt að dreifa boðskortum í skólanum.
- Þegar eru uppákomur sem börnin mega koma með eitthvað að heiman s.s leikföng eða bækur er það á ábyrgð foreldra og allt þarf að vera merkt.
- Það er skylda að koma með hjálmi á hjóladögum ef börnin eiga að fá að hjóla fyrir utan girðingu.



## ÁrskógarSKÓLI leik- og grunnskóli

GLEÐI - VIRÐING - ÞRAUTSEIGJA

---

Vonandi hefur þetta svarað flestum spurningum ykkar en ef þær eru fleiri er starfsfólk Kötlukots ávallt tilbúið að svara spurningum.

Bestu kveðjur,  
Helga Lind

Uppfært ágúst 2022